

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) i člana 100. Pravila škole, a u skladu sa Pedagoškim standardima i normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu („Službene novine KS“, broj: 10/24, 21/24, 35/24), Školski odbor JU OŠ „9. maj“ Pazarić, Sarajevo, je na 44. sjednici, održanoj dana 10.03.2025. godine donio sljedeći

P R A V I L N I K O VIDEONADZORNOM SISTEMU

U JU OŠ „9. MAJ“ PAZARIĆ, SARAJEVO

I PREDMET PRAVILNIKA

Član 1.

Pravilnikom o videonadzornom sistemu u JU OŠ „9. maj“ Pazarić, Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor JU OŠ „9. maj“ Pazarić, Sarajevo donosi odluku o uvođenju videonadzornog sistema u JU OŠ „9. maj“ Pazarić, Sarajevo.

Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za video nadzor definišu se ovim Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.

Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u JU OŠ "9. maj" Pazarić, Sarajevo jeste neophodna optimizacija sigurnosti učenika, radnika, roditelja i posjetioca škole, u toku nastavnog procesa u prostoru škole i školskog dvorišta, sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora) u svrhe predviđene Pravilima o kućnom redu JU OŠ „9. maj“ Pazarić, Sarajevo.

Član 7.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 8.

Videonadzorni sistem škole obuhvata :

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret.
- c) Uređaj za pohranu videozapisa deponuje i arhivira videozapise, minimalno 30 dana.

Član 9.

Unutrašnje kamere pokrivaju glavne koridore, hodnike i komunikacije unutar škole.

Član 10.

Vanjskim kamerama vrši se nadzor nad školskim dvorištem iza škole, školskim vrtom, ulazima u školu i izlazom za vanredne okolnosti.

Vanjskim kamerama nadzire se isključivo imovina škole i u svom opsegu nemaju susjedne objekte niti se na njima nadzire bilo čija imovina.

Član 11.

Na ulazima u školu i oko školskog dvorišta postavljaju se vidljivi znaci obavijesti:

PAŽNJA OBJEKAT POD VIDEONADZOROM.

Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

VI UPOTREBA PODATAKA

Član 12.

Uređaj za snimanje se nalazi u zaštićenoj kutiji i rec ormaru u holu, a monitori videonadzornog sistema u portirnici škole. Direktor škole može ovlastiti drugo lice škole da ima pristup administraciji videonadzornog sistema škole u svojstvu kontrolora, kada direktor nije prisutan u školi.

Član 13.

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 15.

Monitoring u realnom vremenu nad videonadzorom imaju i dnevni čuvari škole ili druga lica koja ovlasti direktor škole, bez mogućnosti pristupa snimcima, već isključivo praćenja u realnom vremenu.

VII ZAŠTITA LIČNIH PODATAKA

Član 16.

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu koji se može identificirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.
- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.

Direktor, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru škole.

Član 17.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

Član 18.

Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika – kada je to propisano zakonom ili ako je potrebno radi ostvarivanja prava ili obaveza radnika.

VIII PRELAZNE I ZAVRŠNE ODREDBE

Član 19.

Ovaj Pravilnik stupa na snagu osmog dana od dana objave na oglasnoj ploči Škole.

Član 20.

Za tumačenje odredbi ovog pravilnika nadležan je Školski odbor.

Član 21.

Javnost se upoznaje sa sadržajem ovoga Pravilnika putem službene web stranice škole. Pravilnik o videonadzoru JU OŠ "9. maj" Pazarić, Sarajevo je objavljen na oglasnoj ploči Škole dana 10.03.2025. godine a stupio je na snagu 18.03.2025. godinene.



Broj: 01-1-462/25

Datum: 10.03.2025. godine

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
JU OŠ «9. MAJ» PAZARIĆ, SARAJEVO

Broj: 01-1-461/25
Datum: 10.03.2025. godine

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo («Službene novine Kantona Sarajevo», broj: 27/24), člana 100. i 130. Pravila JU OŠ „9. maj“ Pazarić, Sarajevo (broj: 514/15 od 18.06.2015. godine), Školski odbor Javne ustanove Osnovna škola „9. maj“ Pazarić, Sarajevo na 44. sjednici, održanoj 10.03.2025. godine, donosi slijedeću

ODLUKU

o usvajanju Pravilnika o videonadzorom sistemu

I

Usvaja se Pravilnik o videonadzornom sistemu u Javnoj ustanovi Osnovnoj školi „9. maj“ Pazarić, Sarajevo.

II

Ovaj Pravilnik stupa na snagu osmog dana od dana objavljivanja na oglasnoj ploči škole.



ZAMJENICA PREDSJEDNIKA/CE
ŠKOLSKOG ODBORA
Azra Džina, prof.

BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
JU OŠ „9. MAJ“ PAZARIĆ, SARAJEVO
Školski odbor

Broj: 01-1-463/25

Datum: 10.03.2025. godine

Na osnovu člana 100. Pravila JU OŠ „9. maj“ Pazarić, Sarajevo, a u skladu sa članom 21a. Zakona o zaštiti ličnih podataka („Službeni glasnik BiH“, broj: 49/06, 76/11, 89/11), Školski odbor JU OŠ „9. maj“ Pazarić, Sarajevo na 44. sjednici, održanoj 10.03.2025. godine, d o n o s i

ODLUKU **o vršenju video nadzora**

I

Video nadzor se vrši sa ciljem dodatnog osiguranja objekta JU OŠ „9. maj“ Pazarić, Sarajevo (u daljem tekstu: Škola), dokumentacije i evidencije koju vodi škola, kao i radi sigurnosti učenika i radnika škole. Video nadzor se može uspostaviti i voditi na bilo kojem mjestu u zgradi i prostorijama pod vlasništvom škole, osim sanitarnih prostorija, radi poboljšanja bezbjedonosnih uslova u školi, kontrole ulaska i izlaska iz škole, zaštita imevine škole i radnika, zaštita dokumentacije ličnih podataka koji se vode u postojećim evidencijama.

II

S ciljem osiguranja zakonitog postupanja sa video zapisima, podaci na video zapisu, kao i svi drugi podaci koji su nastali usljed upotrebe video zapisa nose oznaku „povjerljivo“, te za zaposlenike koji ih čuvaju i pregledaju predstavljaju službenu tajnu.

III

Video zapis snimljen videonadzorom mogu koristiti policijski službenici, direktor i zaposlenici koje direktor škole odredi za pregled i korištenje podataka (sekretar škole, domar škole, dnevni čuvari), koji se može koristiti u svrhu kontrole i evidencije prekršaja, kao i za moguće potrebe preispitivanja disciplinske odgovornost učenika i radnika.

Pregledane snimke na kojima se utvrdi počinitelj disciplinskog djela, prekršaja i radnje koja predstavlja povredu učeničke i radne dužnosti, čuvaju se za potrebe vođenja disciplinskog postupka, kako za učenike tako i za nastavnike u skladu sa propisima koji regulišu navedenu materiju.

IV

Škola je dužna na vidnom mjestu istaći javnu obavijest kojom će građani, roditelji, učenici, radnici biti obavješteni da se vrši videonadzor u školi.

V

Sistem videonadzora koji se koristi za vršenje videonadzora će biti zaštićen od pristupa neovlašćenih osoba.

VI

Škola će uspostaviti i voditi evidenciju u vidu knjige, ovjerenu pečatom škole, o pregledu videonadzora i svim dešavanjima i evidencijama na videonadzoru, kao i o korištenju podataka iz evidencije o videonadzoru.

VII

Odluka se obavezno objavljuje na oglasnoj ploči škole, a stupa na snagu danom donošenja.

Dostavljeno:

1. Oglasna ploča
2. a/a

